

桃花源志略卷七

唐開韶輯

胡焯同編

徵文五

詩一

晉武陵人歌一首 黃閔武陵記曰有涿蘿山側崑垂水
懸蘿百里許得明月池碧潭鏡徹百尺見底素巖若雪松
如插翠流風扣阿有絲桐之韻土人歌曰仰茲山兮迢迢
層石構兮嵯峨朝日麗兮陽崑落景梁兮陰阿障壑兮生
音唵籟兮相和敷芳兮綠林恬澹兮潤波樂茲潭兮安流
緩爾權兮詠歌

桃花源志略卷七

梁劉孝勝詩一首

孝勝彭城人爲武陵王蕭紀長史

武溪深行 武溪

深不測水安舟復輕暫侶莊生釣還滯鄂君行權歌爭後
發譟鼓逐前征秦地山川險黔中木石并林壑秋籟急猿
哀夜月明澄源本千仞迴峯忽萬縈昭潭讓無底太華推
削成日落通野氣目極悵餘情下流曾不濁長邁寂無聲
羞學滄浪水濯足復濯纓

周庾子山詩二首

子山名信南陽新野人

擬詠懷 懷抱獨惛惛

平生何所論由來千種意併是桃花源穀皮兩書帙壺盧
一酒尊自知費天下也復何足言 詠畫屏風 逍遙遊
桂苑寂絕到桃源狹石分花逕長橋映水門管聲驚百鳥
人衣香一園定知歡未足橫琴坐石根

陳徐孝穆詩一首

孝穆名陵東海鄉人

山齋

桃源驚往客鶴嶠

斷來賓復有風雲處蕭條無俗人山寒微有雪石路本無塵竹徑蒙籠巧茅齋結構新燒香披道記懸鏡厭山神砌水何年潤蒼桐幾度春雲霞一已絕甯辨漢將秦

唐王摩詰詩一首

摩詰名維太原祁人

桃源行

漁舟逐水愛山

春兩岸桃花夾去津坐看紅樹不知遠行盡青溪不見人山口潛行始隈隩山開曠望旋平陸遙看一處攢雲樹近入千家散花竹樵客初傳漢姓名居人未改秦衣服居人共住武陵源還從物外起田園月明松下房櫳靜日出雲中雞犬喧驚聞俗客爭來集競引還家問都邑平明閭巷掃花開薄暮漁樵乘水入初因避地去人閒及至成仙遂

桃花源志略卷七

二

不還峽裏誰知有人事世中遙望空雲山不疑靈境難聞見塵心未盡思鄉縣出洞無論隔山水辭家終擬常遊行自謂經過舊不迷安知峯壑今來變當時只記入山深清溪幾曲到雲林春來遍是桃花水不辨仙源何處尋

案摩詰春日與裴迪過新昌里訪呂逸人不遇詩云桃

源一向

一作四面

絕風塵柳市南頭訪隱淪到門不敢題凡

鳥看竹何須問主人城上青山如屋裏東家流水入西鄰閉戶著書多歲月種松皆老作龍鱗田園樂云采菱渡頭風急策杖林西日斜杏樹壇邊漁父桃花源裏人家俱用桃花源事因附錄焉

又蜀人朱巨川灣尋隱者韋九於東溪草堂詩云尋得

仙源訪隱淪漸來深處漸無塵初行竹裏唯通鳥直到
花閒始見人四面雲山誰作主數家煙火自爲鄰路旁
樵客何須問朝市如今不是秦詩中風景宛然桃源矣
潤州包融武陵桃源送人詩云武陵川逕入幽遐中有
雞犬秦人家先時見者爲誰耶源水今流桃復花前二
句與武伯蒼桃源行同其詩似缺夔不完附載於此

又案杜子美贈崔子二學士云故山多藥物勝概憶桃
源水宿遣興云丹心老未折時訪武陵溪嶽麓山道林
二寺云桃源人家易制度橘洲田土仍膏腴明用桃源
事遊何將軍山林詩云風磴吹陰雪雲門吼瀑泉酒醒
思臥簟衣冷欲裝縣野老來看客河魚不取錢祗疑淳

桃花源志略卷七

三

樸處自有一山川秦州雜詩云傳道東柯谷溪藏數十
家對門藤蓋瓦映竹水穿沙瘦地翻宜粟陽坡可種瓜
船人近相報但恐失桃花暗用桃源意也

孟浩然詩三首

浩然名浩然襄陽人

宿武陽卽事二首

唐因隋邑省入武陵

武陽卽今桃源

武陵川路狹前棹入花林莫測幽源裏仙家信

幾深水迴青嶂合雲度綠溪陰坐聽元猿嘯彌清塵外心
川暗夕陽盡孤舟泊岸初嶺猿相叫嘯潭影似空虛就
枕滅明燭扣舷聞夜漁雞鳴問何處人物是秦餘 遊精
思題觀主山房 誤入桃源裏初憐竹徑深方知仙子宅
未有世人尋舞鶴過閒砌飛猿嘯密林漸通元妙理深得

至忘心

王少伯詩三首

少伯名昌
齡江甯人

武陵開元觀黃鍊師院

松

聞白髮黃尊師童子燒香禹步時欲訪桃源入溪路忽聞
雞犬使人疑 先賢盛說桃花源塵忝何堪武陵郡聞道
秦時避地人至今不與人通問 山觀空虛清淨門從官
役吏擾塵喧暫因問俗到真境便欲投誠依道源

張旭詩一首

旭蘇州
吳人

桃花溪

隱隱飛橋隔野煙石磯

西畔問漁船桃花盡日隨流水洞在清溪何處邊

李太白詩四首

名里
見前

古風

鄭客西入關行行未能已

白馬華山君相逢平原里璧遺鎬池君明年祖龍死秦人
相謂曰吾屬可去矣一往桃花源千春隔流水 博平鄒
太守自廬山千里相尋入江夏北市門見訪却之武陵立

桃花源志略卷七

四

馬贈別

大梁貴公子氣蓋蒼梧雲若無三千客誰道信

陵君救趙復存魏英威天下聞邯鄲能屈節訪博從毛薛
夷門得隱淪而與侯生親仍要鼓刀者乃是袖鉞人好士
不盡心何能保其身多君重然諾意氣遙相託五馬入市
門金鞍照城郭都忘虎竹貴且與荷衣樂去去桃花源何
時見歸軒相思無終極腸斷朗江一作猿 桃源二詩與
地紀勝
云李白逸篇見蘇州志
孫氏刻入續古文苑 昔日狂秦事可嗟直驅雞犬入
桃花至今不出煙谿口萬古潺湲一水斜 露溼煙濃草
色新一番流水滿溪春可憐漁父重來日只見桃花不見
人

劉文房詩一首

文房名長
卿河間人

送人遊桃源洞

嘗愛武陵

郡送君將遠尋空憐世界近孤負桃源心洛陽遙想桃源
隔野水閒流春山碧花下常迷楚客船洞中時見秦人宅
落日相尋斗酒前送君南望俱依然河梁馬首隨春草江
路猿聲愁暮天丈人別業一作乘佐分憂才子趨庭兼勝遊
澧浦荊州行可見知君清興滿滄洲

盧允言詩一首

允言名綸
河中蒲人

同吉中孚夢桃源二首

春

雨夜不散夢中山亦陰雲中碧潭冰路暗紅花林花水自
深淺無人知古今 夜靜春夢長夢逐仙山客園林滿芝
朮雞犬傍籬柵幾處花下人看余笑頭白

獨孤至之詩一首

至之名及
洛陽人

送別荆南張判官一轎車

駱馬往從誰夢浦蘭臺日更遲欲識桃花最多處前程問

桃花源志略卷七

五

取武陵兒

韓君平詩一首

君平名翊
南陽人

寄武陵李少府

小縣春生

日公孫吏隱時楚歌催晚醉蠻語入新詩桂水遙相憶花
源暗有期郢門千里外莫怪尺書遲

劉夢得詩六首

名里
見前

遊桃源一百韻

沅江清悠悠連

山鬱岑寂回流抱絕巘皎鏡含虛碧昏旦遞明媚煙嵐分

委積香蔓垂綠潭暴龍照孤磧

山下潭名綠
蘿磧名暴龍

淵明著前志

子驥思遠跡寂寂無何鄉密爾天地隔金行太元歲漁者
偶探躋尋花得幽蹤窺洞穿闕隙依微聞雞犬豁達值阡
陌居人互將迎笑語如平昔廣樂雖交奏海禽心不憚揮
手一來歸故溪無處覓緜緜五百載市朝幾遷革有路在

壺中無人知地脈皇家感至道聖祚自天錫金闕傳本支
玉函留寶歷禁山開祕宇復戶潔靈宅藥檢香氤氲醮壇
煙霽霽我來塵外躡瑩若朝星析巖轉對翠屏水窮留畫
鶴三休俯喬木千級扳峭壁旭日聞撞鐘采雲迎躡屐遂
登最高頂縱目還楚澤平湖見草青遠岸連霞赤幽尋如
夢想懸思屬空闌黃絲且忘疲耽翫近成癖清猿伺曉發
瑤草凌寒坼祥禽舞葱龍珠樹搖玃樂羽人顧我笑勸我
稅歸輓霓裳何飄飄童顏潔白哲重巖足藩屏馴鹿受羈
勒樓居彌一作清霄蘿薦成翠帟仙翁遺竹枝王母留桃
核姮女飛丹砂青童護金液寶氣浮鼎耳神光生劍脊虛
無天樂來僊宰鬼兵役丹叩肅朝禮玉札工紉繹枕中淮

桃花源志略卷七

六

南方牀下鳧鄉舄明燈坐遙夜幽籟聽浙瀝因話近世仙
聳然心神惕乃言瞿氏子骨狀非凡格往事黃先生羣兒
多侮劇警一作然不屑意元氣貯肝膈往往遊不歸洞中
觀博弈言高未易信猶復加訶責一旦前致辭自云仙期
迫言師有道骨前事常被謫于今三山上名字在真籍悠
然謝主人後歲當來覲言畢依庭樹如煙去無跡觀者皆
失次驚追紛絡繹日暮山徑窮松風自蕭槭適逢修蛇見
瞋目光激射如嚴三清居不使恣搜索唯餘步綱勢八趾
在沙磔至今東北隅表以壇上石列仙徒有名世人非目
擊如何庭廡際白日振羽翮洞天豈幽遠得道如咫尺一
氣無死生三光自遷易因思人閒世前路何狹窄瞥然此

生中善祝期滿百大方播羣類秀氣肖翁闢性靜本同和
物牽成阻阨是非鬪方寸葷血昏精魄遂令多天傷猶喜
見斑白喧喧車馬馳苒苒桑榆夕共安緹繡榮不悟泥途
適紛吾本孤賤世業在逢掖九流宗指歸百氏旁攜撫公
卿偶慰薦鄉曲謬推擇居安白社貧志傲元纁辟功名希
自取簪組俟揚厯書府蚤懷鉛射宮曾發的起草香生帳
坐曹烏集栢賜燕聆簫韶侍祠閱琮璧嘗聞履忠信可以
行蠻貊自述一作迷希古心妄恃干時畫巧言忽成錦苦志
徒食槩平地生峯巒深心有矛戟層波一震盪弱植忽淪
溺北渚弔靈均長岑思亭伯禍來昧幾兆事去空歎息塵
累與時深流年隨漏滴才能疑木雁報施迷夷跼楚奏繫

桃花源志略卷七

七

一作繫鍾儀商歌勞甯戚稟生非懸解對鏡方感激自從嬰

網羅每事問龜策王正降雷雨環玦賜遷斥儻伏一作復夷

平人誓將羽衣客買山構精舍領徒開講席冀無身外憂

自有閒中益道芽期日就塵慮乃冰釋且欲遺姓名安能

慕竹帛長生尚學致一溉一作暨豈虛擲芝朮資餼糧煙霞

拂巾幘黃石履堪墮洪崖肩可拍聊復嗟蜉蝣何煩哀虺

蜴青囊既深味瓊葩亦屢摘縱無西山資一作姿猶免長戚

戚 桃源行 漁舟何招招浮在武陵水垂一作拖綸擲餌

信流去誤入桃源行數里清源行盡花緜緜踏花覺徑至

洞前洞口一作門苔一作蒼蘚一作黑煙霞一作霧生暗行數步逢

虛明俗人毛骨驚仙子爭來致訊何至此須臾皆破冰雪

顏笑言委曲問鄉里一作人間因嗟隱身來種玉不知人世如

風燭筵羞石髓勸客餐燈燕松脂畱客宿雞聲犬聲遙相

聞曉色一作光葱龍照五雲漁人振衣起出戶滿庭無路花

紛紛翻然恐失鄉縣處一息不肯桃源住桃花滿溪水似

鏡塵心如垢洗不去仙家一去尋無蹤至今流水山重重

八月十五夜桃源翫月 塵中見月心亦閒况是清秋

仙府閒凝光悠悠寒露墜此時立在最高山碧虛無雲風

不起山上長松山水羣動翛然一顧中天高地平千萬

里少君引我昇玉壇禮空遙請真仙官雲輶欲下星斗動

天樂一聲肌骨寒一作朝霞昕昕漸東上輪欹影促猶頻

望絕景良時難再并他年此日應惆悵 寄朗州温右史

桃花源志略卷七

曹長 暫別瑤墀駕鷺行綵旗雙引到沅湘城邊流水桃

花過簾外春風杜若香史筆枉將書紙尾朝纓不稱濯滄

浪雲臺世業家聲在徵詔何時出建章 傷桃源薛道士

壇邊松在鶴巢空白鹿閒行舊徑中手植紅桃千萬樹

滿山無主任春風

案夢得晚歲登武陵城願望水陸悵然有作前四句云

星象承鳥翼蠻陬相犬牙俚人祠竹節仙洞閉桃花桃

源縣志誤截作絕句酬朗州崔員外與任十四兄侍御

同過鄙人舊居見懷之什時守吳郡詩云昔日居鄰招

屈亭楓林橋樹鷓鴣聲一辭御苑青門去十見蠻江白

芷生自此曾霑宣室召如今又守闔閭城何人萬里能

相憶同舍仙郎與外兄志誤截前四句為傷薛道士第

二首俱失之疏附辨於此

薛瑩詩一首瑩文宗時人有訪武陵隱者不遇 花發

鳥仍啼行行路欲迷口真無問處虛度武陵溪

武伯蒼詩二首伯蒼名元衡緱氏人桃源行一作無名氏桃源行送友人武

陵川徑入幽遐中有雞犬秦人家家傍流水多桃花桃花

兩邊種來久流水一道一作通何時有垂條落葉暗春風夾

岸芳菲至山口歲歲年年能寂寥林下青苔日為厚時有

仙鳥來銜花曾無世人此攜手可憐不知若為名君任一作

往從之多所更古驛荒橋平路盡崩湍怪石小溪行相見

維舟登覽處紅隄綠岸宛然成多君此去從仙隱令人晚

桃花源志略卷七

節悔營營 桃源洞 武陵源在朗江東流水飛花仙洞

中莫問漁郎千古事綠楊深處翠霞空

權載之詩一首載之名德與略陽人桃源篇 小年嘗讀桃源記

忽覩良工施繪事巖徑初欣繚繞通溪風轉覺芬芳異一

路鮮雲雜彩霞漁舟遠遠逐桃花漸入空濛迷鳥道甯知

掩映有人家麗眉秀骨爭迎客鑿井耕田人世隔不知漢

代有衣冠猶說秦家變阡陌石髓雲英甘且香仙翁畱飯

出青囊相逢自笑松喬侶良會應殊劉阮郎內子閒吟倚

瑤瑟翫此沈沈銷永日忽聞麗曲金玉聲便使老夫思擱

筆

韓退之詩一首退之名愈河內人桃源圖 神仙有無何眇芒

或作渺茫桃源之說誠荒唐流水盤迴山百轉生綃數幅垂中

堂武陵太守好事者題封遠寄南宮下南宮先生忻得之

波濤入筆驅文辭文工畫妙各臻極異境恍惚移於斯架

巖鑿谷開宮室接屋連牆千萬日羸顛劉蹶了不聞地坼

天分非所恤種桃處處惟開花川源近遠一作遠近蒸紅霞初

來猶自念鄉邑歲久此地還成家漁舟之子來何所物色

相猜更問語大蛇中斷喪一作改前王羣馬南渡開新主聽

終辭絕共悽然自說經今六百年當時萬事皆眼見不知

幾許猶流傳爭持酒食來相饋禮數不同尊俎異月明伴

宿玉堂空骨冷魂清無夢寐夜半金雞啁晰鳴火輪飛出

客心驚人閒有累不可住依然離別難為情船開棹進一

桃花源志略卷七

迴顧萬里蒼蒼煙水暮世俗甯知偽與真至今傳者武陵

人

李文饒詩一首文饒名德裕趙人尊師是桃源黃洞源先生傳

法弟子常見尊師稱先生靈跡今重賦此詩兼寄題黃先

生舊館後學方成市吾師又上賓今茅山觀道士洞天

應不夜桃樹祗如春此并述桃源事棋客留童子瞿仙童即先生弟子桃源得仙

人棋子載在傳記山精避直神先生初至茅山童子觸法坐有聲先生疑山神所為書符召至之其

靈異如此無因握石髓及一作分與養生人

村牧之詩一首牧之名牧京兆萬年人酬王秀才桃花源見寄

花一作桃滿西園淑景催幾多紅豔淺深開此花不逐溪流

出晉客何因人洞來

段柯古詩一首

柯古名成式臨淄人世客荊州

桃源僧舍看花

前年

帝里探春時寺寺名花我盡知今日長安滿禾黍忍能南

國對芳枝

祝元膺詩一首

元膺句曲人

夢仙謠

蟾蜍夜作青冥燭

一作

鏡

蟬竦晴為碧落梯好箇分明天上

一作上天

路誰教深

一作移

入武陵溪

李質詩一首

字里未詳

宿日觀東房

曾入桃溪路仙源信

少雙洞霞飄素練蘚壁畫陰窗古木愁撐月危峯欲墮江

自嗟空向寂誰共倒秋缸

于鄴詩一首

鄴唐末進士

贈王道士

日日市朝路何時無

苦辛不隨丹竈客終作白頭人浮世度千載桃源方一春

桃花源志略卷七

十一

歸來華表上應笑北邙塵

裴說詩一首

說天祐三年進士

題桃源僧

桃源拾遺作陳光詩

桃源有

僧舍跬步異人天花亂似無主鶴鳴疑有仙軒廊明野色

松檜溼春煙定擬辭塵境依師過晚年

奚賈詩一首

賈富春人

尋許山人亭子

桃源若近遠漁子

掉輕舟川路行難盡人家到漸幽山禽拂席起溪水入庭

流君是何年隱于今成白頭

王仲初詩一首

仲初名建穎川人

武陵春日

尋春何事卻悲

涼春到他鄉思故鄉秦女洞桃鼓澗碧楚王隄柳拂煙黃

波濤入夢家山遠名利關身客路長不是冥心叩元寂玉

編金軸有仙方

司空表聖詩一首表聖名圖 虞鄉人 武陵路 橋岸舟聞昏網

挂茶坡日暖鷓鴣啼女郎指點行人笑 花開路已迷

劉蘊靈詩一首蘊靈名 滄魯人 題桃源處士山居畱寄 白雲

深處葺茅廬退隱衡門與俗疎一洞曉煙流水上滿庭春

露落花初閒看竹嶼陰新月特酌山醪讀古書窮達盡為

身外事扁舟來往伴樵漁

李文山詩一首文山名羣 玉澧州人 桃源洞 我到瞿童上昇處

山川西望使人愁紫雲白鶴去不返惟有桃花溪水流

章碣詩一首碣桐 庸人 桃源洞 絕壁相敲是洞門昔人從

此入仙源數株花下閒雞犬半曲歌中老子孫別後自疑

園吏夢歸來誰信釣翁言山前尚有潺湲水猶繞當時碧

桃花源志略卷七

樹村

劉子夏詩二首子夏名商 彭城人 題水洞 桃花流出武陵洞

夢想仙家雲樹春今看水入洞中去卻是桃花源裏人

長看巖穴泉流出忽聽懸泉入洞聲莫摘山花拋水上花

浮出洞使人驚

曹堯賓詩五首堯賓名唐 桂州人 武陵洞一作桃源洞 五首 此生

終是一作使此身閒不是春時又一作且要還寄語桃花與流

水莫辭相送到人閒 溪口迴舟日已昏卻聽雞犬隔前

村殷勤重與秦人別莫使桃花閉洞門 卻恐重來路不

通殷勤回首謝東風白雞黃犬不將去且寄桃花深洞中

桃花夾岸香何之花滿春山水去遲三宿武陵溪上月

始知人一作避世有秦時 渡水傍山尋絕壁白雲飛處洞

天開仙人來往行無跡石徑春風長綠苔

胡秋田詩二首秋田名曾邵陽人 武陵溪 一溪春水徹雲根

流出桃花片片新若道長生是虛語洞中爭得有秦人

早發潛水驛謁郎中員外 半牀秋月一聲雞萬里行人

費馬蹄青野霧消凝晉洞碧山煙散避秦溪樓臺稍辨烏

城外更漏微聞鶴柱西已是大仙憐後進不應來向武陵

迷

張象文詩一首象文名曠清河人 送友人歸武陵溪 聞近桃

源住無村不是花成旗招海客廟鼓集神鴉別島垂橙實

閒田長荻芽遊秦未得意即看更離家

桃花源志略卷七

十三

張喬詩一首喬池州人 尋桃源 武陵春草齊花影隔澄溪

路遠無人到山空有鳥啼水垂清靄斷松偃綠蘿低世上

迷途客經茲盡不迷

釋皎然詩二首皎然長城人 兵後西日溪行并序 沈羲仙

記銅峴地肺可以逃水又聖桃源記天地改花源在即此

地也此一章靈澈上人可以志之 一從清氣上為天仙

空何年見乾海黃河幾度濁復清此水如今未曾改西尋

仙人渚誤入桃花穴風吹花片使我迷時時問山驚踏雪

石梁丹竈意更奇石梁丹竈銅峴仙人渚靈跡有四所 春草不生多故轍我

來隱道非隱身如今世上無風塵路是武陵路人非秦代

人飯松得高侶濯足偶清津數片昔賢磐石在幾回並坐

戴綸巾 晚春尋桃源觀 武陵何處訪仙鄉 古觀雲根
路已荒 細草擁壇人跡絕 落花沈澗水流香 山深有雨寒
猶在松老無風韻亦長全覺此身離俗境元機亦可照迷
方

釋齊己詩三首

齊己益陽人

寄武陵道友

阮肇迷仙處禪

門接紫霞不知尋鶴路幾里入桃花晚樹陰搖蕪春潭影
弄沙何當見招我乞與片生涯 懷武陵因寄幕中韓先
輩何從事 武陵佳致跡多幽每見圖經恨白頭溪浪碧
通何處去桃花紅過郡前流常聞相幕駕鴻興日向神仙
洞府遊鑿井耕田人在否如今天子正徵掇 寄武陵貫
微上人 知泛滄浪櫂未還西峯房鎖夜潺潺春陪相府

桃花源志略卷七

十四

遊仙洞雪共賓寮對玉山詩裏幾添新 菡萏袖痕應換舊
爛斑莫忘一句曹溪妙堪塞孫孫騁度關

楚李宏舉詩一首

宏舉長沙人爲楚土馬希範學士

題桃源

山翠參

差水渺茫秦人昔在楚封疆當時避世乾坤窄此地安家
日月長砌草幾經壇杏老巖花猶帶澗桃香他年倘遂歸
休志來著霞衣侍玉皇

宋張復之詩一首

復之名詠自號乖崖濮州鄆城人

舟中晚望桃源山

仙山初指眼初明倚棹因妨半日程雲裏未忘尋去路
世間爭合有浮名巖空閣老松千尺天靜時聞鶴一聲更
謝暮霞憐惜別滿坡紅影照崢嶸

陶商翁詩三首

商翁名弼永州人

桃花源

檐下山光砌下苔

人閒重過眼重開舊林諸子休貽誚已許孤雲作記迴

題司馬錯城 北設長城陷敵塵更來勞役武陵民我觀

洞裏栽桃者便是當時築版人 常德 曲臺風月德山

雲夢想中閒幾度春臣葬江魚終愛楚民逃花洞不知秦

梅聖俞詩二首 聖俞名堯 宣城人 武陵行 生事在漁樵所居

亦煙水野艇一竿絲朝朝狎清泚忽自傍藤陰乘流轉山

觜始覺景氣佳潛通小溪裏常時不見春入谷驚紅蘂幽

興窮綠波翫芳心莫已花外一峯明林閒碧洞啟遙聞雞

犬音漸悟人煙邈捨舟遂潛行石徑劣容屣豁然有田園

竹果相叢倚龐眉鬢髻人倏遇心顏喜尙作秦衣裳那知

漢名氏自言逢世亂避地因居此來時手種桃今日開如

桃花源志略卷七

十五

綺更看水生花幾度逐風委競引飯雕胡邀飲酌瓊醴復

呼童稚前綠鬢仍皓齒翻遣念還茅思歸釣鱸鯉將辭亦

贈言勿道邱壑美鼓枹出仙源繁音猶邈迤薄暮返滄洲

微風吹白芷他日欲重過茫茫何處是 桃花源詩 并序

嘉祐元年余在京師邂逅與都官員外郎張侯客遇於

書館張語往會相識於唐俞家今三十三年矣因各言出

處張曰某居武陵武陵舊跡可具道始陶潛爲記與詩其

後往往賦詠不絕君之仲父昔嘗有作聞君能詩願賦一

章亦當買石刻置巖下既重其意許錄幼時所爲五言歸

閱故稿頗不愜心遂別爲一章以塞張侯之請 鹿爲馬

龍爲蛇鳳凰避羅龍避罝天下逃難不知數入海居巖皆

是家武陵源中深隱人共將雞犬栽桃花桃花記春不記
歲金稚日將博浪沙亦殊商嶺采芝草難與少長親胡麻
豈意異時漁者入各各同問人間賒秦已非秦孰爲漢奚
論晉魏如削瓜英雄滅盡有石關知慧屏去無年華俗骨
思歸一相送慎勿與世言雲霞出洞沿溪夢寐覺物景都
失同迴棹心寄草樹欲復往山幽草亂尋無涯

王介甫詩一首

介甫名安石臨川人

桃源行

望夷宮中鹿爲馬

秦人半死長城下避世不獨商山翁亦有桃源種桃者一
來種桃不記春采花食實枝爲薪兒孫生長與世隔知有
父子無君臣漁郎放舟迷遠近花間忽見驚相問世上空
知古有秦山中豈料今爲晉聞道長安吹戰塵東風回首

桃花源志略卷七

十六

一沾襟重華一去不復得天下紛紛經幾秦

蘇子瞻詩一首

名里見前

和陶淵明桃花源詩

凡聖無異

居清濁同此世心閒偶自見念起忽已逝欲知真一處要
使六用廢桃源信不遠杖藜可少憩躬耕任地力絕學抱

天藝臂雞有時鳴尻駕無可稅花

一作

龜亦晨吸枸杞一作

杞一作或夜吠耘樵得甘芳

一作

飽齧

一作

謝魚製子驥雖形

隔淵明已心詣高山不難陟

一作

淺水何足厲不如我仇

池高舉復幾歲從來一死生近又等癡慧蒲

一作

澗安期

境羅浮稚川界夢往從之遊神交發吾蔽桃花滿庭下流

水在戶外卻笑避秦人有異

一作

非所

一作

契

黃魯直詩一首

魯直名庭堅洪州分甯人

武陵

武陵樵客出桃源

自許重遊不信難，卻覺洞門煙鎖斷歸舟。風月夜深寒。

劉莘老詩一首 莘老名摯，永靜東光人。 桃源亭 桃源亭北值佳

辰桃萼飄殘，晚春縱幕，惜芳林下子綵衫。修禊水邊人。

風謠漸喜，南音變節，物偏於久客。新道不與時，當勇去歸。

心何必計吳尊。

唐子西詩一首 子西名庚，眉州丹棱人。 桃源道上 一作武陵道中。 朝持

漢使節暮作楚囚，奔路入離騷國。江通歛乃村，垣牆知地。

溼草木，驗冬温寂寞。桃源路行人，祇斷魂。

唐公懋詩一首 公懋名績，零陵人。舊志誤作洛浦禪師。詳楊文弱靈巖洞記。 靈巖寺

呈銳公禪師 一水穿巖走碧沙，沿溪樛木臥 一作龍蛇

分明便是桃源路 一作洞 不見溪頭流落花 詩刻桃源靈巖洞左側方輒後

桃花源志略卷七

書政和某年月日

汪彥章詩一首 彥章名藻，饒州德興人。 桃源行 祖龍門外神傳

壁方士猶言仙，可得東行欲與羨。門親咫尺蓬萊滄海隔。

那知平地有青雲 一作春 只屬尋常避世人。關中日月空萬

古花下山川長，一身中原別後無消息。聞說煙塵因感惜。

誰教晉鼎判東西，卻媿秦城限南北。人閒萬事愈堪憐。此

地當時亦偶然，何事區區漢天子。種桃辛苦望 一作求 長年

胡仁仲詩一首 仁仲名宏，崇安人。 桃源行 北歸已過沅湘渡

騎馬東風武陵路，山花無限不關心。惟愛桃花古來樹，聞

說桃花更有源。居人共得仙家趣，之子漁舟安在哉。我欲

乘之望源去，江頭相逢老漁父。煙水茫茫雲日暮，投竿拱

手向我言桃源言說非真傳當時漁子魚得錢買酒醉臥
桃花邊桃花風吹入夢裏自與人世相周旋靖節先生絕
世人柰何記偽不考真先生高步窘末代雅志不肯爲秦
民故作斯文寫幽意要似寰海離風塵不然山原遠近桃
花開宜有一片隨水從東來嗚呼神明通八極豈特祕示
一作視 桃源哉我聞是言發深省勒馬卻辭漁父回及晨遍
覽三春色莫使風雨空莓苔

王龜齡詩一首

龜齡名十朋
温州樂清人

和桃源圖詩

并序

世有

圖畫桃源者皆以爲仙也故退之桃源圖詩詆其說爲妄
及觀陶淵明所作桃花源記乃謂先世避秦至此則知漁
人所遇乃其子孫非始入山者真能長生不死與劉阮天

桃花源志略卷七

十八

台之事異焉東坡和陶詩嘗序而辨之矣故余按陶記以
和韓詩聊正世俗之謬云 嬴秦斬新開混茫傲睨前古
無虞唐詩書爲灰儒鬼哭李斯秉筆中書堂長城丁壯無
還者送徒更往驪山下避世高人何所之出門永與家鄉
辭入山惟恐不深遠豈是得已巢於斯來時六合爲秦室
未審今爲何歲日吏不到門租不輸子長丁添更何卹春
入山中桃自花招邀隱侶傾流霞男耕女織自婚嫁派別
支分都幾家誰泛漁舟迷處所山開洞闢聞人語乍相驚
問卒相歡設酒烹雞講賓主可憐秦事已茫然帝業初期
萬萬年猶道祖龍長在世豈知異姓早三傳鄰里殷勤爭
餉饋人情與世無相異未信壺中別有天卻訝身游如夢

寐山花亂眼鳥哀鳴數日畱連喜復驚更從洞口尋鄉路
逢人欲話疑非情異日扁舟欲重顧水眩山迷紅日暮後
來圖畫了非真作記淵明乃晉人

王民瞻詩一首

民瞻名庭珪安福人

和劉美中尙書聽寶月彈桃

源春曉 何年鑿源開混茫桃花兩岸吹紅香煙消遠浦
生微陽漁舟誤行溪水長溪迴岸轉山隙光疑有絳闕仙
人房居民爭出羅酒漿花閒笑語音琅琅抱琴釋子看髮
蒼流泉韻磬鳴長廊能彈往事悲孟嘗昔時臺沼今耕桑
又如勇士赴敵場坐令游子思故鄉清猿抱木號鴻荒孤
吟劃見丹鳳翔曲終待月西南廂重調十指初不忙如見
古畫秦衣裳春天百鳥爭頡頏桃源歸來今已忘彈到落

桃花源志略卷七

十九

花空斷腸

鄭漁仲詩一首

漁仲名樵莆田人

過桃花洞田家畱宿 偶從

沼渚過山家爛漫桃花噪暮鴉處處竹籬環草屋村村雞
犬話桑麻抱琴靜聽濤聲急對酒閒觀月色賒可笑南陽
劉子驥欲尋風景滯京華

魏華父詩一首

華父名了翁邛州蒲江人

題桃源圖 伏勝高堂書

已出竇公制氏樂猶傳魯生力破秦儀陋商皓終扶漢鼎
顛隱者甯無人禮義武陵匪獨我山川若將此地爲真有
亂我彝倫六百年

朱子詩二首

朱子名熹字元晦婺源人

桃溪 澗裏春泉響種桃泉

上頭爛紅紛委地未肯出山流

黃塘嶺 屈曲危厓轉

沈陰山氣昏蟬聲高樹暗石瀨淺流喧已過黃塘嶺欲覓
桃花源無爲此畱滯驅馬踰山樊

陸務觀詩一首

務觀名游山陰人

桃源

木缺橋橫一徑微斷

煙殘靄晚霏霏十年倦客明雙眼五月遊人換夾衣翠峽
束成寒練靜蒼崖濺落素鮫飛邇來自笑癡頑甚著處吟
哦不記歸

姜堯章詩一首

堯章名夔饒州德興人流寓武康

昔遊詩

十四首

昔

遊桃源山先次白馬渡渡頭何清深鴻鵠在高樹白馬亦
洞天昔人有奇遇洞門不可見但聞水聲怒瞻彼羽人宅
乃乘方船度脩廊夾五殿重閣映千樹規模象魏壯回合
綠陰護山椒望五溪壺頭入指顧故宮在其北屋瓦帶松

桃花源志略卷七

二十

霧古杉晉時物中空野人住外圍四十尺內可十客聚我
遊瞿仙館壇上表遺步却下八疊坡一亭衆妙具兩山抱
澄潭老木枝榦互瞻前秀而迴坐久凜難駐桃源獨不見
僻在宮南路山行轉深邃狙猿紛上下石竇出微涓令我
意猶豫昔聞漁舟子水際見洞戶今看去溪遠定自後人
誤惆悵却歸來此遊不得屢於今二十年歷歷經行處
施知言詩一首 知言名樞浮玉人 題桃源圖 山中與世不相
關雞犬桑麻盡日間傍水桃花春爛漫誤傳消息到人間
斯建中詩一首 本集題云芳庭斯植建中 過桃源 □□□□□□
□生涯心在鳳凰臺桃花曉落水流去山鳥晚啼風送來
古樹影搖霜月滿冷猿聲裂碧雲開長關春有愁人分驛

馬相逢去不回

馮信可詩一首字里未詳

桃源圖 桃源東迴溪轉長桃花

開時春光幽禽出樹亂紅落遊魚吹花流水香山人正

住溪之澣屋角花開自成塢尋源未許武陵人隱者但作

桃溪一作花主拄杖穿花來水頭禽魚亦解識風流往來况

有樵雲空何惜銜杯同唱酬一樽時出桃花色花落樽中

已無迹醉鄉悠悠白日閒黃塵滾滾青山隔明年此日桃

花開山人淨埽溪陰苔我亦天台約劉阮春風一棹酒船

來

李時用詩一首時用名含章宣城人遊桃源觀 碧草芊緜一洞

春青蒼寒疊五溪雲山縈乳竇層層秀路隔桃花處處分

桃花源志略卷七

苔徑竹深迷鶴跡石潭松古漏星文通宵回想塵寰事好

結茅茨向水濱

謝君直詩二首君直名枋得弋陽人秦人洞二首 尋得桃源好

避秦桃紅一作花又見一年春花飛莫遣隨流水怕有漁郎

來問津 來問秦人萬事休烏啼花落幾春秋洞門深鎖

無人到山自青青水自流

曹道冲詩一首道冲衡山人題謝先生白雲菴 桃源洞口

武陵人跳出紅塵二十春但喜白雲深有趣不知青眼近

來親丹砂已向坤鑪伏玉汞先從坎鼎烹活計一張焦尾

外碧壇三尺禮星辰

金張德容詩一首德容名斛漁陽人武陵春雪 天風吹雪滿千

山不見桃花汎碧瀾洞裏仙人貪種玉豈知人世有春寒

元東巖詩一首

東巖名德明太原秀容人好問生父

桃源行 山中三月

山桃開紅霞爛漫無邊涯山家藏春藏不得落花流水人

閒來憶昔攜家竄巖谷秦人半向長城哭回頭塵土失咸

陽繒弋徒勞羨鴻鵠冬裘夏葛存太朴小國寡民皆樂俗

晝永垣籬雞犬閒春晴門巷桑榆綠漁郎偶到本無心仙

境何緣得重尋今日武陵圖上看唯見雲林深復深

元裕之詩二首

裕之名好問

桃源圖二首

物外煙霞卜四

鄰武陵不是避秦人軟紅香土君休羨千樹桃花滿意春

金罽穆穆六月寒桃花春夢隔征鞍青山歸計何時辦

畫卷空畱馬上看

桃花源志略卷七

陳子颺詩一首

子颺名廣官河東山西道行中書省參議

武善夫桃源圖

武郎種桃滿雲溪三月紅雨行人迷自從玉勒入雲馭春

風杜宇年年啼飛黃騰踏有天倪紫電轉盼天山低要將

白壁沾蟻着更把黃金鑄爨啼羲和挾輶六龍馳莫景恐

迫虞淵西新詩擬喚槐安夢咫尺溪邊春色動飛花漠漠

水泠泠蒼苔荒了煙霞洞聞道西風解浣人何處江山可

問津征塵障斷仙源路且看丹青萬樹春

案桃源縣志載唐時方士桃川宮詩流水迴環日夕澄

烟蘿石壁四時新清風臺上深瑤草夜雨松根老茯苓

九轉丹砂龍虎伏千年劍氣鬼神驚道人今向蓬萊去

白鹿歸來月滿庭

又載呂洞賓詩數首集中所無姑附於後洞賓名巖河中永樂人

秦人洞 洞門深鎖白雲封九節丹巖第幾重欲向

山中詢甲子秦人盡日不相逢 桃花溪 東風昨夜

落奇葩散作春江萬頃霞從此漁郎得消息沂流直到

是仙家 纜船洲 笑拋漁艇入蒼茫豈意壺中歲月

長歸到荒洲無覓處萋萋芳草對斜陽 仙逕亭 紫

氣南來第一關道人家在白雲閒山門深鎖無人到流

水落花春晝閒 空心杉 老幹槎枒樹底空學仙遊

子坐空中自從白日飛昇去幾度寒鴉噪晚風 鍊丹

臺 自築斯臺學鍊丹丹成飛上紫霄一作端空餘遺

址在人世滿目青山碧草寒 歸鶴峯 鶴歸華表幾

桃花源志略卷七

千年雞犬隨丹盡上天開遍碧桃春不老千巖萬壑鎖

蒼煙 桃川仙隱 說著神仙豈偶然神仙名不是虛

傳巖門石洞今還在流水落花經幾年 梅溪煙雨

摩挲睡眼望山坳非霧非煙隱四郊一幅生綃不收拾

被風展卻挂林梢

又載宋時汴高士詩四首並附錄 楚山春曉 霧散

雲收宿雨乾春桃落盡曉風寒晴山四望天開畫啼鳥

一聲人倚闌 秦人洞 山前溪是當時水源上桃非

舊日花多怪漁郎漏消息洞門從此鎖煙霞 鍊丹臺

洞角丹砂吐錦雲龜毛鉛彩瑞氤氳我來收入縣胎

鼎鍊到洪濛未剖分 淶蘿 第一巖前景若何江流

激灑漾晴羅游仙道士無縈繫也共白雲棲一窩一作
澗阿

桃花源志略卷七